

Sunday Gospels for the TLM: Nouns Color-Coded by Case

Blue: Nominative case, for subjects

Orange: Accusative/Objective case, for direct objects and with prepositions that take the acc./obj.

Gray: Ablative case, with prepositions taking the ablative

Purple: Dative Case, for indirect objects and with some verbs

Green: Genitive/Possessive case

Red: Vocative case, for direct address

Magenta: For Locative case, “place at which”

Gospel: 1st Sunday of Advent

Sequéntia + sancti Evangélii secúndum Lucam (St. Luke 21:25-33)

R. Glória tibi, Dómine.

In illo témpore: Dixit **Iesus** **discípulis** suis: Erunt **signa** **in sole et luna et stellis**, et **in terris** **pressúra** **géntium** **præ confusióne** **sónitus maris et flúctuum**: arescéntibus homínibus **præ timóre et expectatióne**, **quæ** supervénient univérso orbi: nam **virtútes** **coelórum** movebúntur. Et tunc vidébunt **Fílium** **hóminis** veniéntem **in nube** **cum potestáte magna et maiestáte**. His autem fieri incipiéntibus, respícite et leváte **cápita** vestra: quóniam appropínquat **redéptio** vestra. Et dixit **illis similitúdinem**: Vidéte **ficúlneam** et **omnes árbores**: cum producunt iam **ex se fructum**, scitis, quóniam prope est **aestas**. Ita et **vos**, cum vidéritis **hæc** fieri, scitóte, quóniam prope est **regnum Dei**. Amen, dico **vobis**, quia non præteríbit **generátio hæc**, donec **ómnia** fiant. **Cælum** et **terra** transíbunt: **verba** autem mea non transíbunt.

R. Laus tibi, Christe.

S. Per Evangélica dicta, deleántur nostra delícta.

Gospel: 2nd Sunday of Advent

Sequéntia + sancti Evangélii secúndum Mattaeum (St. Matthew 11:2-10)

R. Glória tibi, Dómine.

In illo témpore: Cum audísset **Ioánnes** **in vínculis** **ópera Christi**, mittens **duos** **de discípulis suis**, ait **illi**: **Tu es, qui ventúrus es**, an **alium** exspectámus? Et respóndens **Iesus**, ait **illis**: Eúntes renuntiáte **Ioánni**, **quæ** audístis et vidístis. **Cæci** vident, **claudi** ámbulant, **leprósi** mundántur, **surdi** áudiunt, **mórtui** resúrgunt, **páuperes** evangelizántur: et beátus est, **qui non fúerit scandalizátus in me**. Illis autem abeúntibus, cœpit **Iesus** dícere **ad turbas** **de Ioánnis**: **Quid** existis **in desértum** vidére? **arúndinem** vento agitátam? Sed **quid** existis vidére? **hóminem** móllibus vestitum? Ecce, **qui** móllibus vestiúntur, **in dómibus regum** sunt. Sed **quid** existis vidére? **Prophétam**? Etiam dico **vobis**, et plus quam **Prophétam**. **Hic** est enim, **de quo** scriptum est: Ecce, **ego** mitto **Angelum meum** **ante faciém tuam**, **qui** præparábit **viam tuam ante te**.

R. Laus tibi, Christe.

S. Per Evangélica dicta, deleántur nostra delícta.

Gospel: 3rd Sunday of Advent

Sequéntia + sancti Evangélii secúndum Ioánnem (St. John 1:19-28)

R. Glória tibi, Dómine.

In illo témpore: Misérunt Iudæi ab Ierosólymis sacerdótes et levítas ad Ioánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respondit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox clamántis in deserto: Dirígite viam Dómini, sicut dixit Isaías Prophéta. Et qui missi fúerant, erant ex pharisæis. Et interrogavérunt eum, et dixérunt ei: Quid ergo baptízas, si tu non es Christus, neque Elías, neque Prophéta? Respóndit eis Ioánnes, dicens: Ego baptízo in aqua: médius autem vestrum stetit, quem vos nescítis. Ipse est, qui post me ventúrus est, qui ante me factus est: cuius ego non sum dignus ut solvam eius corrígiam calceaménti. Hæc in Bethánia facta sunt trans Iordánem, ubi erat Ioánnes baptízans.

R. Laus tibi, Christe.

S. Per Evangélica dicta, deleántur nostra delícta.

Gospel: 4th Sunday of Advent

Sequéntia + sancti Evangélii secúndum Lucam (St. Luke 3:1-6)

R. Glória tibi, Dómine.

Anno quintodécimo impérii Tibérii Cæsaris, procuránte Póntio Piláto Iudæam, tetrárcha autem Galilææ Heróde, Philippo autem fratre eius tetrárcha Iturææ et Trachonítidis regionis, et Lysánia Abilínæ tetrárcha, sub princípibus sacerdotum Anna et Cáipha: factum est verbum Domini super Ioannem, Zachariæ filium, in deserto. Et venit in omnem regiónem Iordánis, prædicans baptísmum pæniténtiæ in remissionem peccatorum, sicut scriptum est in libro sermónum Isaíæ Prophætæ: Vox clamántis in deserto: Paráte viam Dómini: rectas fácite sémitas eius: omnis vallis implébitur: et omnis mons et collis humiliábitur: et erunt prava in dirécta, et áspera in vias planas: et vidébit omnis caro salutáre Dei.

R. Laus tibi, Christe.

S. Per Evangélica dicta, deleántur nostra delícta.

Gospel: Mass of Christmas, in the Day

Sequéntia + sancti Evangélii secúndum Ioannem (St. John 1:1-14)

R. Glória tibi, Dómine.

In principio erat **Verbum**, et **Verbum** erat **apud Deum**, et **Deus** erat **Verbum**. **Hoc** erat **in principio** **apud Deum**. **Omnia per ipsum** facta sunt: et **sine ipso** factum est **nihil**, **quod factum** est: **in ipso** **vita** erat, et **vita** erat **lux hóminum**: et **lux in ténebris** lucet, et **ténebræ eam** non comprehendérunt. Fuit **homo** missus **a Deo**, **cui nomen** erat **Ioánnes**. **Hic** venit **in testimónium**, ut **testimónium** perhiberet **de lumine**, ut **omnes** créderent **per illum**. Non erat **ille lux**, sed ut **testimónium** perhiberet **de lumine**. Erat **lux vera**, **quæ** illúminat **omnem hóminem** veniéntem **in hunc mundum**. **In mundo** erat, et **mundus per ipsum** factus est, et **mundus eum** non cognóvit. **In própria** venit, et **sui eum** non recepérunt. Quotquot autem recepérunt **eum**, dedit **eis potestátem filios Dei** fieri, **his**, **qui credunt in nómine eius**: **qui non ex sanguínibus**, neque **ex voluntáte carnis**, neque **ex voluntáte viri**, sed **ex Deo** nati sunt. Et **Verbum caro** factum est, et habitávit **in nobis**: et vídimus **glóriam eius**, **glóriam** quasi **Unigéniti a Patre**, plenum **grátiae** et **veritátis**.

R. Laus tibi, Christe.

S. Per Evangélica dicta, deleántur nostra delícta.

Gospel: Octave Day of the Nativity of the Lord

Sequéntia + sancti Evangélii secúndum Lucam (St. Luke 2:21)

R. Glória tibi, Dómine.

In illo témpore: Postquam consummáti sunt **dies octo**, ut circumciderétur **Puer**: vocátum est **nomen eius Iesus**, **quod** vocátum est **ab Angelo**, priúsquam **in útero** conciperétur.

R. Laus tibi, Christe.

S. Per Evangélica dicta, deleántur nostra delícta.

Gospel: Holy Family

Sequéntia + sancti Evangélii secúndum Lucam (St. Luke 2:42-52)

R. Glória tibi, Dómine.

Cum factus esset **Iesus annórum** duódecim, ascendéntibus illis **Ierosólymam** **secúndum consuetúdinem diéi festi**, consummátisque diébus, cum redírent, remánsit **puer Iesus** **in Ierúsalem**, et non cognovérunt **paréntes eius**. Existimántes autem **illum** esse **in comitátu**, venérunt **iter diéi**, et requirébant **eum inter cognátos et notos**. Et non inveniéntes, regressi sunt **in Ierúsalem**, requiréntes **eum**. Et factum est, **post tríduum** invenérunt **illum in templo** sedéntem **in médio doctórum**, audiéntem illos et

interrogántem eos. Stupébant autem omnes, qui eum audiébant, super prudéntia et respónsis eius. Et vidéntes admiráti sunt. Et dixit Mater eius ad illum: Fili, quid fecísti nobis sic? Ecce, pater tuus et ego doléntes quærebámus te. Et ait ad illos: Quid est, quod me quærebátis? Nesciebátis, quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descendit cum eis, et venit Náza-reth: et erat súbditus illis. Et Mater eius conservábat ómnia verba hæc in corde suo. Et Iesus proficiébat sapiéntia et ætáte et grátia apud Deum et hómines.

R. Laus tibi, Christe.

S. Per Evangélica dicta, deleántur nostra delícta.

Gospel: 2nd Sunday after Epiphany (1.15.2023)

Sequéntia + sancti Evangélii secúndum Ioánnem. (St. John 2:1-11)

R. Glória tibi, Dómine.

In illo témpore: Núptiæ factæ sunt in Cana Galilææ: et erat Mater Iesu ibi. Vocátus est autem et Iesus, et discípuli eius ad núptias. Et deficiente vino, dicit Mater Iesu ad eum: Vinum non habent. Et dicit ei Iesus: Quid mihi et tibi est, mulier? nondum venit hora mea. Dicit Mater eius mínistris: Quodcúmque díxerit vobis, fácite. Erant autem ibi lapideæ hýdriæ sex pósitæ secúndum purificatió-nem Iudæórum, capiéntes singulæ metrétas binas vel ternas. Dicit eis Iesus: Implete hýdrias aqua. Et impleverunt eas usque ad summum. Et dicit eis Iesus: Hauríte nunc, et ferte architriclino. Et tulérunt. Ut autem gustávit architriclinus aquam vinum fáctam, et non sciébat unde esset, ministri autem sciébant, qui háuserant aquam: vocat sponsum architriclinus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Iesus in Cana Galilææ: et manifestávit glóriam suam, et credidérunt in eum discípuli eius.

R. Laus tibi, Christe.

S. Per Evangélica dicta, deleántur nostra delícta.

Gospel: 3rd Sunday after Epiphany

Sequéntia + sancti Evangélii secúndum Matthæum (St. Matthew 8:1-13)

R. Glória tibi, Dómine.

In illo témpore: Cum descendisset Iesus de monte, secútæ sunt eum turbæ multæ: et ecce, leprósus véniens adorábat eum, dicens: Dómine, si vis, potes me mundáre. Et extendens Iesus manum, tétigit eum, dicens: Volo. Mundáre. Et conféstim mundáta est lepra eius. Et ait illi Iesus: Vide, némini díxeris: sed vade, osténde te sacerdoti, et offer munus, quod præcépít Móyses, in testimónium illis. Cum

autem introisset Caphárnaum, accessit ad eum centúrio, rogans eum et dicens: **Dómine**, puer meus iacet in domo paralyticus, et male torquetur. Et ait illi **Iesus**: Ego véniam, et curábo eum. Et respóndens centúrio, ait: **Dómine**, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et alii: Veni, et venit; et servo meo: Fac hoc, et facit. Audiens autem **Iesus**, mirátus est, et sequéntibus se dixit: Amen, dico vobis, non inveni tantam fidem in Israël. Dico autem vobis, quod multi ab Oriente et Occidente vénient, et recumbent cum Abraham et Isaac et Iacob in regno coelórum: filii autem regni eiiciéntur in ténebras exteriorés: ibi erit fletus et stridor déntium. Et dixit **Iesus centurióni**: Vade et, sicut credidísti, fiat tibi. Et sanátus est puer in illa hora.

R. Laus tibi, Christe.

S. Per Evangélica dicta, deleántur nostra delícta.

Gospel: 4th Sunday after Epiphany

Sequéntia + sancti Evangélii secúndum Matthaëum (St. Matthew 8:23-27)

R. Glória tibi, Dómine.

In illo témpore: Ascendénte **Iesu in navículam**, secúti sunt eum discipuli eius: et ecce, motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discipuli eius, et suscitavérunt eum, dicéntes: **Dómine**, salva nos, perímus. Et dicit eis **Iesus**: Quid tímidi estis, módicæ fidei? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes: Qualis est hic, quia venti et mare obóediunt ei?

R. Laus tibi, Christe.

S. Per Evangélica dicta, deleántur nostra delícta.

Gospel: Septuagesima Sunday

Sequéntia + sancti Evangélii secúndum Matthaëum (St. Matthew 20:1-16)

R. Glória tibi, Dómine.

In illo témpore: Dixit **Iesus discipulis suis parabolam hanc**: Simile est regnum coelórum hómini patrifamílias, qui éxiit primo mane conducere operários in vineam suam. Conventióne autem facta cum operáriis ex denário diúrno, misit eos in vineam suam. Et egréssus circa horam tértiam, vidit alios stantes in foro otíosos, et dixit illis: Ite et vos in vineam meam, et quod iustum fúerit, dabo vobis. Illi autem abiérunt. Iterum autem éxiit circa sextam et nonam horam: et fecit simíliter. Circa undécimam vero éxiit, et invénit alios stantes, et dicit illis: Quid hic statis tota die otíosi? Dicunt ei: Quia nemo nos condúxit. Dicit illis: Ite et vos in vineam meam. Cum sero autem factum esset, dicit dóninus

vinea procuratōri suo: Voca **operarios**, et redde **illis mercēdem**, incipiens a **novissimis** usque ad **primos**. Cum venissent ergo **qui circa undecimam horam** venerant, acceperunt singulos **denarios**. Venientes autem et **primi**, arbitrati sunt, quod plus essent accepturi: acceperunt autem et **ipsi singulos denarios**. Et **accipientes** murmurabant **adversus patremfamilias**, dicentes: **Hi novissimi** una hora fecerunt et **pares illos nobis** fecisti, **qui portavimus pondus diei** et **aestus**. At **ille** respondens **uni eorum**, dixit: **Amice**, non facio **tibi iniuriam**: nonne **ex denario** convenisti mecum? Tolle **quod tuum** est, et vade: volo autem et **huic novissimo** dare sicut et **tibi**. Aut non licet **mihi**, quod volo, facere? an **oculus tuus** nequam est, quia **ego bonus** sum? Sic erunt **novissimi primi**, et **primi novissimi**. **Multi** enim sunt vocati, **pauci** vero electi.

R. Laus tibi, Christe.

S. Per Evangelica dicta, deleantur nostra delicta.

Gospel: Sexagesima Sunday

Sequentia + sancti Evangelii secundum Lucam (St. Luke 8:4-15)

R. Gloria tibi, Domine.

In illo tempore: Cum **turba plurima** convenirent, et **de civitatibus** properarent **ad Iesum**, dixit **per similitudinem**: Exiit, **qui seminatur**, seminare **semen suum**: et dum seminatur, **aliud** cecidit **secus viam**, et conculcatum est, et **volucres caeli** comederunt **illud**. Et **aliud** cecidit **supra petram**: et **natum** aruit, quia non habebat **humorem**. Et **aliud** cecidit **inter spinas**, et simul **exortae spinae** suffocaverunt **illud**. Et **aliud** cecidit **in terram bonam**: et **ortum** fecit **fructum centuplum**. **Haec** dicens, clamabat: **Qui habet aures audiendi**, audiat. Interrogabant autem **eum discipuli eius**, quae esset **haec parabola**. **Quibus ipse** dixit: **Vobis datum** est nosse **mysterium regni Dei**, **caeteris** autem **in parabolis**: ut **videntes** non videant, et **audientes** non intellegant. Est autem **haec parabola**: **Semen** est **verbum Dei**. **Qui** autem **secus viam**, **hi** sunt **qui audiunt**: deinde venit **diabolus**, et tollit **verbum de corde eorum**, ne **credentes** salvi fiant. Nam **qui supra petram**: **qui** cum audierint, **cum gaudio** suscipiunt **verbum**: et **hi radices** non habent: **qui ad tempus** credunt, et **in tempore tentationis** recedunt. **Quod** autem **in spinas** cecidit: **hi** sunt, **qui** audierunt, et **a sollicitudinibus et divitiis et voluptatibus vitae** euntes, suffocantur, et non referunt **fructum**. **Quod** autem **in bonam terram**: **hi** sunt, **qui in corde bono et optimo** audientes **verbum** retinent, et **fructum** afferunt **in patientia**.

R. Laus tibi, Christe.

S. Per Evangelica dicta, deleantur nostra delicta.

Gospel: Quinquagesima

Sequentia + sancti Evangelii secundum Lucam (St. Luke 18:31-43)

R. Glória tibi, Dómine.

In illo témpore: Assúmpsit **Iesus** duódecim, et ait **illis**: Ecce, ascéndimus **Ierosólymam**, et consummabúntur **ómnia**, **quæ** scripta sunt **per** **Prophétas** **de** **Fílio** **hominis**. Tradétur enim **Géntibus**, et illudétur, et flagellábitur, et conspuétur: et postquam flagelláverint, occídent **eum**, et tértia die resúrget. Et **ipsi** nihil **horum** intellexérunt, et erat **verbum** istud abscondítum **ab eis**, et non intellegébant **quæ** dicebántur. Factum est autem, cum appropinquáret **Iéricho**, **cæcus** quídam sedébat **secus** **viam**, mendícanus. Et cum audíret **turbam** prætereúntem, interrogábat, **quid hoc** esset. Dixérunt autem **ei**, quod **Iesus** Nazarénus transíret. Et clamávit, dicens: **Iesu**, **fili** **David**, miserére **mei**. Et **qui** præíbant, increpábant **eum**, ut tacéret. **Ips**e vero multo magis clamábat: **Fili** **David**, miserére **mei**. Stans autem **Iesus**, iussit **illum** addúci **ad se**. Et cum appropinquáset, interrogávit **illum**, dicens: **Quid tibi** vis fáciam? At **ille** dixit: **Dómine**, ut vídeam. Et **Iesus** dixit **illi**: Réspice, **fides** tua **te** salvum fecit. Et conféstim vidit, et sequebátur **illum**, magníficans **Deum**. Et omnis **plebs** ut vidit, dedit **laudem** **Deo**.

R. Laus tibi, Christe.

S. Per Evangélica dicta, deleántur nostra delícta.

Gospel: 1st Sunday in Lent

Sequéntia + sancti Evangélii secúndum Mattháeum (St. Matthew 4:1-11)

R. Glória tibi, Dómine.

In illo témpore: Ductus est **Iesus** **in** **desértum** **a** **Spíritu**, ut tentarétur **a** **diábolo**. Et cum ieiunáset quadragínta diébus et quadragínta nóctibus, postea esúriit. Et accédens **tentátor**, dixit **ei**: Si **Fílius Dei** es, dic, ut **lápides** isti **panes** fiant. **Qui** respóndens, dixit: Scriptum est: Non **in solo pane** vivit **homo**, sed **in omni verbo**, quod procedít **de ore Dei**. Tunc assúmpsit **eum** **diábolus** **in** **sanctam civitátem**, et stáruit **eum** **super** **pinnáculum templi**, et dixit **ei**: Si **Fílius Dei** es, mitte **te** deórsum. Scriptum est enim: Quia **Angelis suis** mandávit **de te**, et **in** **mánibus** tollent **te**, ne forte offéndas **ad** **lápídem** **pedem** tuum. Ait **illi Iesus**: Rursum scriptum est: Non tentábis **Dóminum**, **Deum** tuum. Iterum assúmpsit **eum** **diábolus** **in** **montem excélsu**m **valde**: et ostendit **ei** **ómnia regna mundi** et **glóriam eórum**, et dixit **ei**: **Hæc** **ómnia tibi** dabo, si cadens adoráveris **me**. Tunc dicit **ei Iesus**: Vade, **Sátana**; scriptum est enim: **Dóminum**, **Deum** tuum, adorábis, et **illi soli** sérvies. Tunc relíquit **eum** **diábolus**: et ecce, **Angeli** accessérunt et ministrábant **ei**.

R. Laus tibi, Christe.

S. Per Evangélica dicta, deleántur nostra delícta.

Gospel: 2nd Sunday of Lent

Sequéntia + sancti Evangélii secúndum Mattháeum (St. Matthew 17:1-19)

R. *Glória tibi, Dómine.*

In illo témpore: Assúmpsit **Iesus Petrum**, et **Iacóbum**, et **Ioánnem fratrem eius**, et duxit **illos in montem excelsum** seórsum: et transfigurátus est **ante eos**. Et resplénduit **fácies eius** sicut **sol**: **vestiménta** autem **eius** facta sunt **alba** sicut **nix**. Et ecce, apparuérunt **illis Móyses** et **Elías cum eo** loquéntes. Respóndens autem **Petrus**, dixit **ad Iesum**: **Dómine**, **bonum** est **nos** hic esse: si vis, faciámus hic **tria tabernácula**, **tibi unum**, **Móysi unum** et **Elíæ unum**. Adhuc eo loquente, ecce, **nubes** **lúcida** obumbrávit **eos**. Et ecce **vox de nube**, dicens: **Hic** est **Fílius** meus **diléctus**, **in quo mihi** bene complácuti: **ipsum** audíte. Et audiéntes **discípuli**, cecidérunt **in fáciem suam**, et timuérunt valde. Et accessit **Iesus**, et tétigit **eos**, dixítque **eis**: **Súrgite**, et nolíte timére. Levántes autem **óculos suos**, **néminem** vidérunt nisi **solum Iesum**. Et descendéntibus illis **de monte**, præcépít **eis Iesus**, dicens: **Némini** dixéritis **visiónem**, donec **Fílius hóminis a mórtuis** resúrgat.

R. *Laus tibi, Christe.*

S. Per Evangélica dicta, deleántur nostra delícta.

Gospel: 3rd Sunday of Lent

Sequéntia + sancti Evangélii secúndum Lucam (St. Luke 11:14-28)

R. *Glória tibi, Dómine.*

In illo témpore: Erat **Iesus** eíciens **dæmónium**, et **illud** erat **mutum**. Et cum eiecísset **dæmónium**, locútus est **mutus**, et admirátæ sunt **turbæ**. **Quidam** autem **ex eis** dixérunt: **In Beélzebub**, **príncipe dæmoniórum**, eíicit **dæmónia**. Et **alii** tentántes, **signum** **de cælo** quærébant **ab eo**. **Ipsé** autem ut vidit **cogitatiónes eórum**, dixit **eis**: **Omne regnum in seípsum** **divísus** **desolábitur**, et **domus supra domum** **cadet**. Si autem et **sátanas in seípsum** **divísus** est, quómodo stabit **regnum eius**? quia dícitis, **in Beélzebub me** eíicere **dæmónia**. Si autem **ego in Beélzebub** eíicio **dæmónia**: **fílii** **vestri in quo** eíiciunt? Ideo ipsi **iúdice** **vestri** erunt. Porro si **in dígito Dei** eíicio **dæmónia**: profécto pervénit **in vos regnum Dei**. Cum **fortis** **armátus** **custódit átrium suum**, **in pace** sunt **ea**, **quæ** **póssidet**. Si autem **fórtior** eo **supervéniens** **vícerit eum**, **univérsa arma eius** áuferet, **in quibus** **confidébat**, et **spólia eius** **distríbuet**. **Qui** non est **mecum**, **contra me** est: et **qui** non **colligit mecum**, **dispérgit**. Cum **immúndus spíritus** exierit **de hómine**, **ámbulat per loca inaquósa**, quærrens **réquiem**: et non **invéniens**, dicit: **Revértar in domum meam**, unde exívi. Et cum **vénerit**, **invénit eam** **scopis mundátam**, et **ornátam**. Tunc vadit, et **assúmit septem alios spíritus** **secum nequióres se**, et **ingréssi** **hábitant ibi**. Et fiunt **novíssima hóminis illius** **peióra** **prióribus**. **Factum** est autem, cum **hæc** diceret: **extóllens vocem quædam múlíer de turba**, dixit **illi**: **Beátus venter**, **qui te** **portávit**, et **úbera**, **quæ** **suxísti**. At **ille** dixit: **Quinímmo beáti**, **qui** **áudiunt verbum Dei**, et **custódiunt illud**.

R. Laus tibi, Christe.

S. Per Evangélica dicta, deleántur nostra delícta.

Gospel: 4th Sunday of Lent

Sequéntia + sancti Evangélii secúndum Ioánnem (St. John 6:1-15)

R. Glória tibi, Dómine.

In illo témpore: Abiit **Iesus** trans mare Galilææ, quod est **Tiberiádis**: et sequebátur **eum** **multitúdo magna**, quia vidébant **signa**, **quæ** faciébat super his, **qui** infirmabántur. Súbiit ergo in montem **Iesus**: et ibi sedébat cum discipulis suis. Erat autem próximum **Pascha**, **dies festus Iudæórum**. Cum sublevásset ergo **óculos Iesus** et vidísset, quia **multitúdo** máxima venit ad eum, dixit ad Philíppum: Unde emémus **panes**, ut mandúcent **hi**? **Hoc autem dicébat tentans eum: ipse enim sciébat, quid esset factúrus. Respóndit ei Philíppus: Ducentórum denariórum panes** non suffíciunt **eis**, ut **unusquisque módicum quid** accípiat. Dicit **ei unus** ex discipulis eius, **Andréas, frater Simónis Petri**: Est **puer** unus hic, **qui** habet **quinque panes hordeáceos** et **duos pisces**: sed **hæc quid** sunt inter tantos? Dixit ergo **Iesus**: Fácite **hómines** discumbere. Erat autem **fænum multum** in loco. Discubuérunt ergo **viri**, número quasi **quinque mília**. Accépit ergo **Iesus panes**, et cum **grátias** egísset, **distribuit discumbéntibus**: **simíliter** et ex piscibus, quantum volébant. Ut autem impléti sunt, dixit **discipulis suis**: Collígite **quæ** superavérunt **fragmenta**, ne péreant. Collegérunt ergo, et implevérunt **duódecim cóphinos fragmentórum** ex quinque pánibus hordeáceis, **quæ** superfuérunt **his, qui** manducáverant. Illi ergo **hómines** cum vidísset, quod **Iesus** fécerat **signum**, dicébant: Quia **hic** est vere **Prophéta**, qui ventúrus est in mundum. **Iesus** ergo cum cognovísset, quia ventúri essent, ut ráperent **eum** et fácerent **eum regem**, fugit íterum in montem **ipse solus**.

R. Laus tibi, Christe.

S. Per Evangélica dicta, deleántur nostra delícta.

Gospel: Passion Sunday

Sequéntia + sancti Evangélii secúndum Ioánnem (St. John 8:46-59)

R. Glória tibi, Dómine.

In illo témpore: Dicébat **Iesus turbis Iudæórum: Quis ex vobis árguet me de peccáto?** **Si veritátem** dico **vobis**, quare non créditis **mihi**? **Qui ex Deo** est, **verba Dei** audit. Proptérea **vos** non audítis, quia ex Deo non estis. Respondérunt ergo **Iudæi** et dixerunt **ei**: Nonne bene dícimus **nos**, quia **Samaritánus** es **tu**, et **dæmónium** habes? Respóndit **Iesus: Ego dæmónium** non hábeo, sed honorífico **Patrem meum**, et **vos** inhonorástis **me**. **Ego** autem non quæro **glóriam meam**: est, **qui** quærat et iúdicet. Amen, amen, dico **vobis: si quis sermónem meum** serváverit, **mortem** non vidébit in ætérnum. Dixerunt ergo **Iudæi**: Nunc cognóvimus, quia **dæmónium** habes. **Abraham** mórtuus est et **Prophætæ**; et **tu** dicis: Si **quis sermónem**

meum serváverit, non gustábit **mortem in aetérnum**. Numquid **tu maior** es patre nostro Abraham, **qui mórtuus** est? et **Prophétæ mórtui** sunt. **Quem teípsum** facis? Respóndit **Iesus**: Si **ego** glorífico **meípsum**, **glória** mea nihil est: est **Pater meus**, **qui** glorificat **me**, **quem** vos dicitis, quia **Deus vester** est, et non cognovístis **eum**: **ego** autem novi **eum**: et si díxero, quia non scio **eum**, ero símilis **vobis**, **mendax**. Sed scio **eum** et **sermónem eius** servo. **Abraham pater vester** exultávit, ut vidéret **diem meum**: vidit, et gavísus est. Dixérunt ergo **Iudæi ad eum**: Quinquagínta **annos** nondum habes, et **Abraham** vidísti? Dixit **eis Iesus**: Amen, amen, dico **vobis**, ántequam **Abraham** fieret, **ego** sum. Tulérunt ergo **lápides**, ut iácerent **in eum**: **Iesus** autem abscondit **se**, et exívit **de templo**.

R. Laus tibi, Christe.

S. Per Evangélica dicta, deleántur nostra delícta.

Gospel: Pásson of Our Lord Jesus Christ according to St. Matthew (for Palm Sunday)

Sequéntia + sancti Evangélii secúndum Ioánnem (St. Matthew 26:36-75; 27:1-60)

R. Glória tibi, Dómine.

Tunc venit **Iesus cum illis in villam**, **quæ** dicitur **Gethsémani**, et dixit **discípulis suis**: **I.** Sedéte hic, donec vadam illuc et orem. **C.** Et assumpto Petro et duóbus fíliis **Zebedæi**, cœpit contristári et **mæstus** esse. Tunc ait **illis**: **I.** Tristis est **ánima** mea usque **ad mortem**: sustinéte hic, et vigilate mecum. **C.** Et **progréssus pusillum**, prócidit **in faciém suam**, orans et dicens: **I. Pater mi**, si possíbile est, tránseat **a me calix iste**: Verúmtamen non sicut **ego** volo, sed sicut **tu**. **C.** Et venit **ad discípulos suos**, et invénit **eos** dormiéntes: et dicit **Petro**: **I.** Sic non potuístis una hora vigiláre mecum? Vigiláte et oráte, ut non intrétis **in tentatiónem**. **Spiritus** quidem promptus est, **caro** autem infírma. **C.** Iterum secúndo ábiit et orávit, dicens: **I. Pater mi**, si non potest **hic calix** transíre, nisi bibam **illum**, fiat **volúntas** tua. **C.** Et venit íterum, et invenit **eos** dormiéntes: erant enim **óculi eórum** graváti. Et relíctis illis, íterum ábiit et orávit tertio, **eúndem sermónem** dicens. Tunc venit **ad discípulos suos**, et dicit **illis**: **I.** Dormíte iam et requiésците: ecce, appropinquávit **hora**, et **Fílius hóminis** tradétur **in manus peccatórum**. Súrgite, eámus: ecce, appropinquávit, **qui me** tradet. **C.** Adhuc eo loquénte, ecce, **Iudas**, unus de duódecim, venit, et **cum eo turba** multa **cum gládiis et fústibus**, missi **a princípibus sacerdótum et senióribus pópuli**. **Qui** autem trádidit **eum**, dedit **illis signum**, dicens: **S. Quemcúmque** osculátus fúero, **ipse** est, tenéte **eum**. **C.** Et conféstim accédens **ad Iesum**, dixit: **S. Ave, Rabbi**. **C.** Et osculátus est **eum**. Dixítque **illi Iesus**: **I. Amíce**, **ad quid** venísti? **C.** Tunc accessérunt, et **manus** iniecérunt **in Iesum** et tenuérunt **eum**. Et ecce, **unus ex his**, **qui erant cum Iesu**, exténdens **manum**, exémit **gládium suum**, et percútiens **servum princípis sacerdótum**, amputávit **aurículam eius**. Tunc ait **illi Iesus**: **I.** Convérte **gládium tuum in locum suum**. **Omnes enim**, **qui** accéperint **gládium**, gládio períbunt. An putas, quia non possum rogáre **Patrem meum**,

et exhibebit mihi modo plus quam duodecim legiones Angelorum? Quomodo ergo implebuntur Scripturae, quia sic oportet fieri? C. In illa hora dixit Iesus turbis: I. Tamquam ad latronem existis cum gladiis et fustibus comprehendere me: cotidie apud vos sedebam docens in templo, et non me tenuistis. C. Hoc autem totum factum est, ut adimplerentur Scripturae Prophetarum. Tunc discipuli omnes, relicto eo, fugerunt. At illi tenentes Iesum, duxerunt ad Caiapham, principem sacerdotum, ubi scribae et seniores convenerant. Petrus autem sequebatur eum a longe, usque in atrium principis sacerdotum. Et ingressus intro, sedebat cum ministris, ut videret finem. Principes autem sacerdotum et omne concilium quaerebant falsum testimonium contra Iesum, ut eum morti traderent: et non invenerunt, cum multi falsi testes accessissent. Novissime autem venerunt duo falsi testes et dixerunt: S. Hic dixit: Possum destruire templum Dei, et post triduum reaedificare illud. C. Et surgens princeps sacerdotum, ait illi: S. Nihil respondes ad ea, quae isti adversum te testificantur? C. Iesus autem tacebat. Et princeps sacerdotum ait illi: S. Adiuro te per Deum vivum, ut dicas nobis, si tu es Christus, Filius Dei. C. Dicit illi Iesus: I. Tu dixisti. Verumtamen dico vobis, amodo videbitis Filium hominis sedentem a dextris virtutis Dei, et venientem in nubibus caeli. C. Tunc princeps sacerdotum scidit vestimenta sua, dicens: S. Blasphemavit: quid adhuc egemus testibus? Ecce, nunc audistis blasphemiam: quid vobis videtur? C. At illi respondentes dixerunt: S. Reus est mortis. C. Tunc expuerunt in faciem eius, et colaphis eum ceciderunt, alii autem palmas in faciem eius dederunt, dicentes: S. Prophetiza nobis, Christe, quis est, qui te percussit? C. Petrus vero sedebat foris in atrio: et accessit ad eum una ancilla, dicens: S. Et tu cum Iesu Galilaeo eras. C. At ille negavit coram omnibus, dicens: S. Nescio, quid dicis. C. Exeunte autem illo ianuam, vidit eum alia ancilla, et ait his, qui erant ibi: S. Et hic erat cum Iesu Nazareno. C. Et iterum negavit cum iuramento: Quia non novi hominem. Et post pusillum accesserunt, qui stabant, et dixerunt Petro: S. Vere et tu ex illis es: nam et loquela tua manifestum te facit. C. Tunc coepit detestari et iurare, quia non novisset hominem. Et continuo gallus cantavit. Et recordatus est Petrus verbi Iesu, quod dixerat: Priusquam gallus cantet, ter me negabis. Et egressus foras, flevit amare. Mane autem facto, consilium iniierunt omnes principes sacerdotum et seniores populi adversus Iesum, ut eum morti traderent. Et vinctum adduxerunt eum, et tradiderunt Pontio Pilato praesidi. Tunc videns Iudas, qui eum tradidit, quod damnatus esset, paenitentia ductus, rettulit triginta argenteos principibus sacerdotum et senioribus, dicens: S. Peccavi, tradens sanguinem iustum. C. At illi dixerunt: S. Quid ad nos? Tu videtis. C. Et proiectis argenteis in templo, recessit: et abiens, laqueo se suspendit. Principes autem sacerdotum, acceptis argenteis, dixerunt: S. Non licet eos mittere in carbonam: quia pretium sanguinis est. C. Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc implatum est, quod dictum est per Ieremiam Prophetam, dicentem: Et accepertunt triginta argenteos pretium appretiati, quem appretiaverunt a filiis Israel: et dederunt eos in agrum figuli, sicut constituit mihi Dominus. Iesus autem stetit ante praesidem, et interrogavit eum praeses,

dicens: *S.* Tu es **Rex Iudæorum**? *C.* Dicit illi **Iesus**: *I.* Tu dicis. *C.* Et cum accusarétur a principibus sacerdotum et senioribus, nihil respóndit. Tunc dicit illi **Pilátus**: *S.* Non audis, quanta adversum te dicunt testimónia? *C.* Et non respóndit ei ad ullum verbum, ita ut mirarétur **præses** vehementer. Per diem autem sollémnem consuéverat **præses** **pópulo** dimíttre **unum vinctum**, **quem** voluissent. Habébat autem tunc **vinctum** **insígnem**, **qui** dicebátur **Barábbas**. Congregátis ergo illis, dixit **Pilátus**: *S.* **Quem** vultis dimíttam **vobis**: **Barábbam**, an **Iesum**, **qui** dicitur **Christus**? *C.* Sciébat enim, quod per invidiam tradidissent **eum**. Sedénte autem illo pro tribunáli, misit ad eum uxorem eius, dicens: *S.* Nihil **tibi** et iusto **illi**: **multa** enim **passa** sum **hódie** per visum propter eum. *C.* **Príncipes** autem **sacerdotum** et **seniores** persuasérunt **populis**, ut péterent **Barábbam**, **Iesum** vero pérderent. Respóndens autem **præses**, ait **illis**: *S.* **Quem** vultis **vobis** de duóbus dimítti? *C.* At **illi** dixerunt: *S.* **Barábbam**. *C.* Dicit **illis** **Pilátus**: *S.* **Quid** ígitur **fáciam** de Iesu, **qui** dicitur **Christus**? *C.* Dicunt **omnes**: *S.* **Crucifigátur**. *C.* Ait **illis** **præses**: *S.* **Quid** enim **mali** fecit? *C.* At **illi** magis clamábant, dicétes: *S.* **Crucifigátur**. *C.* Videns autem **Pilátus**, quia nihil profíceret, sed magis **tumúltus** fieret: accépta aqua, lavit **manus** coram pópulo, dicens: *S.* **Innocens** ego sum a ságuine iusti huius: **vos** vidéritis. *C.* Et respóndens **univérsum pópulum**, dixit: *S.* **Sanguis eius** super nos et super filios nostros. *C.* Tunc dimísit **illis** **Barábbam**: **Iesum** autem flagellátum tradidit **eis**, ut crucifigerétur. Tunc **míletes** **præsidis** suscipiétes **Iesum** in prætóríum, congregavérunt ad eum **univérsum cohórtem**: et exuéntes **eum**, **chlámydem** **coccíneam** circumdedérunt **ei**: et plectétes **corónam** de spinis, posuérunt super caput eius, et **arúndinem** in dextera eius. Et genu flexo ante eum, illudébant **ei**, dicétes: *S.* Ave, **Rex Iudæorum**. *C.* Et exspuéntes in eum, accepérunt **arúndinem**, et percutiébant **caput eius**. Et postquam illusérunt **ei**, exuérunt **eum** **chlámyde** et induérunt **eum** **vestiméntis eius**, et duxérunt **eum**, ut crucifigerent. Exeúntes autem, invenérunt **hómínem** **Cyrenæum**, nómine **Simónem**: **hunc** angariavérunt, ut tólleret **crucem eius**. Et venérunt in locum, **qui** dicitur **Gólgotha**, quod est **Calváriæ locus**. Et dedérunt **ei** **vinum** **bíbere** cum felle mixtum. Et cum gustásset, nóluit **bíbere**. Postquam autem crucifixérunt **eum**, divisérunt **vestiménta eius**, **sortem** mittétes: ut implerétur, **quod dictum** est per Prophétam dicentem: **Divisérunt sibi vestiménta mea**, et super vestem meam miserunt **sortem**. Et **sedétes**, servábant **eum**. Et imposuérunt super caput eius causam ipsíus scriptam: **Hic est Iesus, Rex Iudæorum**. Tunc crucifixi sunt cum eo **duo latrónes**: **unus a dextris** et **unus a sinístris**. Prætereúntes autem blasphemábant **eum**, movétes **cápita** **sua** et dicétes: *S.* Vah, **qui** destruis **templum Dei** et in trídúo **illud** reádificas: salva **temetípsum**. Si **Fílius Dei** es, descénde de cruce. *C.* Simíliter et **príncipes sacerdotum** illudétes cum scribis et senioribus, dicébant: *S.* **Alios** salvos fecit, **seípsum** non potest **salvum** fácere: si **Rex Israél** est, descéndat nunc de cruce, et crédimus **ei**: **confídit in Deo**: **liberet** nunc, si vult **eum**: dixit enim: **Quia Fílius Dei** sum. *C.* **Idípsum** autem et **latrónes**, **qui** crucifixi erant cum eo, **improperábant ei**. A sexta autem hora ténebræ factæ sunt super univérsum terram usque ad horam nonam. Et circa horam nonam clamávit **Iesus** voce magna, dicens: *I.* Eli, Eli, lamma sabachtháni? *C.* **Hoc** est: *I.* **Deus** meus, **Deus** meus, ut quid

dereliquisti me? **C.** Quidam autem illic stantes et audiētes dicēbant: **S.** Elíam vocat iste. **C.** Et continuo currens unus ex eis, accēptam spóngiam implēvit aceto et impósuit arúndini, et dabat ei bĭbere. Céteri vero dicēbant: **S.** Sine, videāmus, an veniat Elías líberans eum. **C.** Iesus autem íterum clamans voce magna, emísit spírítum.

Hic genuflectitur, et pausatur aliquantulum.

Et ecce, velum templi scissum est in duas partes a summo usque deorsum: et terra mota est, et petrae scissae sunt, et monuménta apérta sunt: et multa cōrpora sanctorum, qui dormierant, surrexerunt. Et exeūtes de monuméntis post resurrectionem eius, venerunt in sanctam civitatem, et apparuerunt multis. Centurio autem et qui cum eo erant, custodiētes Iesum, viso terramótu et his, quae fiēbant, timuerunt valde, dicētes: **S.** Vere Fílius Dei erat iste. **C.** Erant autem ibi mulieres multae a longe, quae secutae erant Iesum a Galilaea, ministrantes ei: inter quas erat María Magdaléne, et María Iacobi, et Ioseph mater, et mater filiorum Zebedaei. Cum autem sero factum esset, venit quidam homo dives ab Arimathaea, nómine Ioseph, qui et ipse discipulus erat Iesu. Hic accessit ad Pilátum, et petiit corpus Iesu. Tunc Pilátus iussit reddi corpus. Et accēpto corpore, Ioseph involvit illud in síndone munda. Et pósuit illud in monuménto suo novo, quod exciderat in petra. Et advólvit saxum magnum ad óstium monuménti, et abiit.

R. Laus tibi, Christe.

S. Per Evangélica dicta, deleantur nostra delicta.

Gospel: Easter Sunday

Sequéntia + sancti Evangélii secúndum Marcum (St. Mark 16:1-7)

R. Glória tibi, Dómine.

In illo témpore: María Magdaléne et María Iacobi et Salóme emerunt arómata, ut veniētes úngerent Iesum. Et valde mane una sabbatorum, véniunt ad monuméntum, orto iam sole. Et dicēbant ad ínicem: **Quis** revólvet nobis lápidem ab óstio monuménti? Et respiciētes vidērunt revolútum lápidem. Erat quippe magnus valde. Et introēntes in monuméntum vidērunt iúvenem sedentem in dextris, coopértum stola cándida, et obstupuērunt. **Qui** dicit illis: Nolíte expavescere: Iesum quáeritis Nazarenum, crucifíxum: surrēxit, non est hic, ecce locus, ubi posuērunt eum. Sed ite, dícite discipulis eius et Petro, quia praecédit vos in Galilaeam: ibi eum vidébitis, sicut dixit vobis.

R. Laus tibi, Christe.

S. Per Evangélica dicta, deleantur nostra delicta.

Gospel: 1st Sunday after Easter

Sequéntia + sancti Evangélii secúndum Ioánnem (St. John 20:19-31)

R. Glória tibi, Dómine.

In illo témpore: Cum sero esset die illo, una **sabbatórum**, et **fores** essent clausæ, ubi erant **discípuli** congregáti **propter metum Iudæórum**: venit **Iesus**, et stetit **in médio**, et dixit **eis**: **Pax vobis**. Et cum **hoc** dixisset, osténdit **eis manus** et **latus**. Gavísi sunt ergo **discípuli**, viso Dómino. Dixit ergo **eis** iterum: **Pax vobis**. Sicut misit **me Pater**, et **ego** mitto **vos**. **Hæc** cum dixisset, insufflavit, et dixit **eis**: Accípite **Spíritum Sanctum**: **quorum** remiséritis **peccáta**, remittúntur **eis**; et **quorum** retinuéritis, reténta sunt. **Thomas** autem unus **ex duódecim**, **qui** dicitur **Dídymus**, non erat **cum eis**, quando venit **Iesus**. Dixérunt ergo **ei** **alii discípuli**: Vídimus **Dóminum**. **Ille** autem dixit **eis**: Nisi vídero **in mánibus eius** **fixúram clavórum**, et mittam **dígítum meum** **in locum clavórum**, et mittam **manum meam** **in latus eius**, non credam. Et **post dies octo**, iterum erant **discípuli eius** intus, et **Thomas** **cum eis**. Venit **Iesus**, iánuis clausis, et stetit **in médio**, et dixit: **Pax vobis**. Deínde dicit **Thomæ**: Infer **dígítum tuum** huc et vide **manus meas**, et affer **manum tuam** et mitte **in latus meum**: et noli esse incrédulus, sed fidélis. Respóndit **Thomas** et dixit **ei**: **Dóminus** meus et **Deus** meus. Dixit **ei Iesus**: Quia vidísti **me**, **Thoma**, credidísti: beáti, **qui** non vidérunt, et credidérunt. Multa **quidem** et **alia signa** fecit **Iesus** **in conspéctu discipulórum suórum**, **quæ** non sunt scripta **in libro hoc**. **Hæc** autem scripta sunt, ut credátis, quia **Iesus** est **Christus**, **Fílius Dei**: et ut credétes **vitam** habeátis **in nómine eius**.

R. Laus tibi, Christe.

S. Per Evangélica dicta, deleántur nostra delícta.

Gospel: 2nd Sunday after Easter

Sequéntia + sancti Evangélii secúndum Ioánnem (St. John 10:11-16)

R. Glória tibi, Dómine.

In illo témpore: Dixit **Iesus pharisæis**: **Ego** sum **pastor bonus**. **Bonus pastor** **ánimam suam** dat **pro óvibus suis**. **Mercenárius** autem et **qui** non est **pastor**, **cuius** non sunt **oves** própriae, videt **lupum veniéntem**, et dimíttit **oves** et fugit: et **lupus** rapit et dispérgit **oves**: **mercenárius** autem fugit, quia **mercenárius** est et non pértinet **ad eum** **de óvibus**. **Ego** sum **pastor bonus**: et cognóscó **meas** et cognóscunt **me meæ**. Sicut novit **me Pater**, et **ego** agnóscó **Patrem**, et **ánimam meam** pono **pro óvibus meis**. Et **alias oves** hábeo, **quæ** non sunt **ex hoc ovíli**: et **illas** opórtet **me** addúcere, et **vocem meam** áudient, et fiet unum **ovíle** et unus **pastor**.

R. Laus tibi, Christe.

S. Per Evangélica dicta, deleántur nostra delícta.

Gospel: 3rd Sunday after Easter

Sequéntia + sancti Evangélii secúndum Ioánnem (St. John 16:16-22)

R. Glória tibi, Dómine.

In illo témpore: Dixit **Iesus discipulis suis: Módicum**, et iam non vidébitis **me**: et iterum **módicum**, et vidébitis **me**: quia vado **ad Patrem**. Dixérunt ergo **ex discipulis eius ad ínvicem: Quid est hoc**, quod dicit **nobis: Módicum**, et non vidébitis **me**: et iterum **módicum**, et vidébitis **me**, et quia vado **ad Patrem**? Dicébant ergo: **Quid est hoc, quod dicit: Módicum?** nescimus, **quid** lóquitur. Cognóvit autem **Iesus**, quia volébant **eum** interrogáre, et dixit **eis: De hoc** quáeritis **inter vos**, quia dixi: **Módicum**, et non vidébitis **me**: et iterum **módicum**, et vidébitis **me**. Amen, amen, dico **vobis**: quia plorábitis et flébitis **vos**, **mundus** autem gaudébit: **vos** autem contristabímmini, sed **tristítia** vestra vertétur **in gáudium**. **Múlier** cum parit, **tristítiam** habet, quia venit **hora eius**: cum autem pepérerit **púerum**, iam non méminit **pressúrae propter gáudium**, quia natus est **homo in mundum**. Et **vos** ígitur nunc quidem **tristítiam** habétis, iterum autem vidébo **vos**, et gaudébit **cor vestrum**: et **gáudium** vestrum **nemo** tollet **a vobis**.

R. Laus tibi, Christe.

S. Per Evangélica dicta, deleántur nostra delícta.

Gospel: 4th Sunday after Easter (5.07.2023)

Sequéntia + sancti Evangélii secúndum Ioánnem (St. John 16:5-14)

R. Glória tibi, Dómine.

In illo témpore: Dixit **Iesus discipulis suis: Vado ad eum**, qui misit **me**: et **nemo ex vobis** intérrogat **me**: Quo vadis? Sed quia **haec** locútus sum **vobis**, **tristítia** implévit **cor vestrum**. Sed **ego veritátem** dico **vobis**: expédit **vobis**, ut **ego** vadam: si enim non abíero, **Paráclitus** non véniet **ad vos**: si autem abíero, mittam **eum ad vos**. Et cum vénerit **ille**, árguet **mundum de peccáto** et **de iustítia** et **de iudício**. **De peccáto** quidem, quia non credidérunt **in me**: **de iustítia** vero, quia **ad Patrem** vado, et iam non vidébitis **me**: **de iudício** autem, quia **princeps huius mundi** iam iudicátus est. Adhuc **multa** hábeo **vobis** dícere: sed non potéstis portáre modo. Cum autem vénerit **ille Spíritus veritátis**, docébit **vos omnem veritátem**. Non enim loquétur **a semetípso**: sed **quaecúmque** áudiet, loquétur, et **quae ventúra** sunt, annuntiábit **vobis**. **Ille** me clarificábit: quia **de meo** accípiet et annuntiábit **vobis**.

R. Laus tibi, Christe.

S. Per Evangélica dicta, deleántur nostra delícta.

Gospel: 5th Sunday after Easter (5.14.2023)

Sequéntia + sancti Evangélii secúndum Ioánnem (St. John 16:23-30)

R. Glória tibi, Dómine.

In illo témpore: Dixit **Iesus** discipulis suis: Amen, amen, dico **vobis**: si quid petieritis **Patrem in nómine meo**, dabit **vobis**. Usque modo non petistis **quidquam in nómine meo**: Pétite, et accipiétis, ut **gáudium vestrum sit plenum**. **Hæc in provérbiis locútus sum vobis**. Venit **hora**, cum iam non **in provérbiis loquar vobis**, sed palam **de Patre annuntiábo vobis**. **In illo die in nómine meo** petétis: et non dico **vobis**, quia ego rogábo **Patrem de vobis**: ipse enim **Pater amat vos**, quia **vos me amástis**, et credidistis quia **ego a Deo exívi**. Exívi **a Patre** et veni **in mundum**: íterum relínquo **mundum** et vado **ad Patrem**. Dicunt **ei discipuli eius**: Ecce, nunc palam loqueris et **provérbiium nullum** dicis. Nunc scimus, quia scis **ómnia** et non **opus est tibi**, ut **quis te intéroget: in hoc** crédimus, quia **a Deo exísti**.

R. Laus tibi, Christe.

S. Per Evangélica dicta, deleántur nostra delícta.

Gospel: Sunday after Ascension

Sequéntia + sancti Evangélii secúndum Ioánnem (St. John 15:26-27; 16:1-4)

R. Glória tibi, Dómine.

In illo témpore: Dixit **Iesus** discipulis suis: Cum vénerit **Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me**: et **vos testimónium perhibébitis**, quia **ab inítio** mecum estis. **Hæc locútus sum vobis**, ut non scandalizémini. Absque synagógis fácient **vos**: sed venit **hora**, ut **omnis, qui interfícit vos, arbitrétur obséquiium se præstare Deo**. Et **hæc fácient vobis**, quia non novérunt **Patrem neque me**. Sed **hæc locútus sum vobis**: ut, cum vénerit **hora eórum**, reminiscámini, quia **ego dixi vobis**.

R. Laus tibi, Christe.

S. Per Evangélica dicta, deleántur nostra delícta.

Gospel: Pentecost Sunday

Sequéntia + sancti Evangélii secúndum Ioánnem (St. John 14:23-31)

R. Glória tibi, Dómine.

In illo témpore: Dixit **Iesus** discipulis suis: Si **quis díligit me, sermónem meum servábit, et Pater meus díliget eum**, et **ad eum veniémus et mansiónem apud eum** faciémus: **qui non díligit me, sermónes meos non servat**. Et **sermónem quem audístis, non est meus**: sed **eius, qui misit me, Patris**. **Hæc locútus sum**

vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia et súggeret vobis ómnia, quaecúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum neque formídet. Audístis, quia ego dixi vobis: Vado et vénio ad vos. Si diligerétis me, gauderétis útique, quia vado ad Patrem: quia Pater maior me est. Et nunc dixi vobis, priúsquam fiat: ut, cum factum fúerit, credátis. Iam non multa loquar vobíscum. Venit enim princeps mundi huius, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

R. Laus tibi, Christe.

S. Per Evangélica dicta, deleántur nostra delícta.

Gospel: Trinity Sunday

Sequéntia + sancti Evangélii secúndum Ioánnem (St. John 14:23-31)

R. Glória tibi, Dómine.

In illo témpore: Dixit Iesus discíplulis suis: Data est mihi omnis potéstas in cælo et in terra. Eúntes ergo docéte omnes gentes, baptizántes eos in nómine Patris, et Fílii, et Spíritus Sancti: docéntes eos serváre ómnia, quaecúmque mandávi vobis. Et ecce, ego vobíscum sum ómnibus diébus usque ad consummationem sæculi.

R. Laus tibi, Christe.

S. Per Evangélica dicta, deleántur nostra delícta.

Gospel: Second Sunday After Pentecost

S. Sequéntia sancti Evangélii secúndum Lucam (St. Luke 14:16-24)

R. Glória tibi, Dómine.

In illo témpore: Dixit Iesus pharisæis parabolam hanc: Homo quidam fecit cœnam magnam, et vocávit multos. Et misit servum suum hora cœnæ dícere invitátis, ut venírent, quia iam paráta sunt ómnia. Et cœpérunt simul omnes excusáre. Primus dixit ei: Villam emi, et necesse hábeo exíre et vidére illum: rogo te, habe me excusatam. Et alter dixit: Iuga boum emi quinque et eo probáre illa: rogo te, habe me excusatam. Et álius dixit: Uxórem duxi, et ídeo non possum veníre. Et revêrsus servus nuntiávit hæc dómينو suo. Tunc irátus paterfamílias, dixit servo suo: Exi cito in pláteas et vicos civitátis: et páuperes ac débiles et cæcos et claudos íntroduc huc. Et ait servus: Dómine, factum est, ut imperásti, et adhuc locus est. Et ait dómínus servo: Exi in vias et sepes: et compélle intrare, ut impleátur domus mea. Dico autem vobis, quod nemo virórum illórum, qui vocáti sunt, gustábit cœnam meam.

R. Laus tibi, Christe.

S. Per Evangélica dicta, deleántur nostra delícta.

Gospel: Third Sunday After Pentecost

S. Sequéntia sancti Evangélii secúndum Lucam (St. Luke 15:1-10)

R. *Glória tibi, Dómine.*

In illo témpore: Erant appropinquántes ad **Iesum** publicáni et peccatóres, ut audírent illum. Et murmurábant pharisæi et scribæ, dicéntes: Quia hic peccatóres recipit et mandúcat cum illis. Et ait ad illos parabolam istam, dicens: Quis ex vobis homo, qui habet centum oves: et si perdíderit unam ex illis, nonne dimíttit nonagínta novem in desérto, et vadit ad illam, quæ períerat, donec invéniat eam? Et cum invénerit eam, impónit in húmeros suos gaudens: et véniens domum, cónvocat amícos et vicínos, dicens illis: Congratulámini mihi, quia invéni ovem meam, quæ períerat? Dico vobis, quod ita gáudium erit in cælo super uno peccatóre pœniténtiam agénte, quam super nonagínta novem iustis, qui non índigent pœniténtia. Aut quæ múlíer habens drachmas decem, si perdíderit drachmam unam, nonne accéndit lucérnam, et evérrit domum, et quærit diligénter, donec invéniat? Et cum invénerit, cónvocat amícas et vicíνας, dicens: Congratulámini mihi, quia invéni drachmam, quam perdíderam? Ita dico vobis: gáudium erit coram Angelis Dei super uno peccatóre pœniténtiam agénte.

R. *Laus tibi, Christe.*

S. Per Evangélica dicta, deleántur nostra delícta.

Gospel: Fourth Sunday After Pentecost

S. Sequéntia sancti Evangélii secúndum Lucam (St. Luke 5:1-11)

R. *Glória tibi, Dómine.*

In illo témpore: Cum turbæ irrúerent in Iesum, ut audírent verbum Dei, et ipse stabat secus stagnum Genésareth. Et vidit duas naves stantes secus stagnum: piscatóres autem descénderant et lavábant rétia. Ascéndens autem in unam navim, quæ erat Simónis, rogávit eum a terra reducere pusillum. Et sedens docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor, per totam noctem laborántes, nihil cépimus: in verbo autem tuo laxábo rete. Et cum hoc fecissent, conclusérunt píscium multítudinem copiósam: rumpebátur autem rete eórum. Et annuérunt sóciis, qui erant in ália navi, ut venírent et adiuvárent eos. Et venérunt, et implevérunt ambas navículas, ita ut pæne mergeréntur. Quod cum vidéret Simon Petrus, prócidit ad génua Iesu, dicens: Exi a me, quia homo peccátor sum, Dómine. Stupor enim circumdéderat eum et omnes, qui cum illo erant, in captúra píscium, quam céperant: simíliter

autem **Iacóbum** et **Ioánnem**, **fílios Zebedáei**, **qui** erant **sócií Simónis**. Et ait **ad Simónem Iesus**: Noli timére: **ex hoc** iam **hómínes** eris cápiens. Et subdúctis **ad terram** návíbus, relictis ómnibus, secuti sunt **eum**.

R. Laus tibi, Christe.

S. Per Evangélica dicta, deleántur nostra delícta.

Gospel: Fifth Sunday After Pentecost

S. Sequéntia sancti Evangélii secúndum Matthæum (St. Matthew 5:20-24)

R. Glória tibi, Dómine.

In illo témpore: Dixit **Iesus discipulis suis**: Nisi abundáverit **iustítia** vestra plus quam **scribárum** et **pharisæórum**, non intrábitis **in regnum cælórum**. Audístis, quia **dictum** est **antíquis**: Non occídes: **qui** autem occíderit, reus erit **iudício**. **Ego** autem dico **vobis**: quia **omnis**, **qui** iráscitur **fratri** suo, reus erit **iudício**. **Qui** autem díxerit **fratri** suo, **raca**: reus erit **concílio**. **Qui** autem díxerit, **fátue**: reus erit **gehénnæ ignis**. Si ergo offers **munus tuum** **ad altáre**, et ibi recordátus fúeris, quia **frater tuus** habet **aliquid advérsum te**: relínque ibi **munus tuum** **ante altáre** et vade prius reconciliári **fratri tuo**: et tunc véniens ófferes **munus tuum**.

R. Laus tibi, Christe.

S. Per Evangélica dicta, deleántur nostra delícta.

Gospel: Sixth Sunday after Pentecost

S. Sequéntia sancti Evangélii secúndum Marcum (St. Mark 8:1-9)

R. Glória tibi, Dómine.

In illo témpore: Cum **turba** multa esset **cum Iesu**, nec habérent, quod manducárent, convocátis discipulis, ait **illis**: Miséreor **super turbam**: quia ecce iam tríduo sústinent **me**, nec habent **quod** mandúcent: et si dimísero **eos** ieiúnos **in domum suam**, defíciant **in via**: **quidam** enim **ex eis de longe** venérunt. Et respondérunt **ei discipuli** sui: Unde **illos quis** póterit hic saturáre pánibus **in solitúdine**? Et interrogávit **eos**: Quot **panes** habétis? **Qui** dixérunt: Septem. Et præcépít **turbæ** discumbere **super terram**. Et accípiens septem **panes**, **grátias** agens fregit, et dabat **discipulis suis**, ut appónerent, et apposuérunt **turbæ**. Et habébant **piscículos** paucos: et **ipsos** benedíxit, et iussit appóni. Et manducavérunt, et saturáti sunt, et sustulérunt **quod** superáverat **de fragméntis**, septem **sportas**. Erant autem **qui** manducáverant, quasi quátuor mília: et dimísit **eos**.

R. Laus tibi, Christe.

S. Per Evangélica dicta, deleántur nostra delícta.

Gospel: Seventh Sunday after Pentecost

Sequéntia + sancti Evangélii secúndum Matthæum (St. Matthew 7:15-21)

R. *Glória tibi, Dómine.*

In illo témpore: Dixit **Iesus discipulis suis:** Atténdite **a falsis prophétis, qui véniunt ad vos in vestiméntis óvium,** intrínsecus autem sunt **lupi rapáces: a frúctibus eórum** cognoscétis **eos.** Numquid cólligunt **de spinis uvas,** aut **de tríbulis ficus?** Sic omnis **arbor bona fructus bonos** facit: mala autem **arbor malos fructus** facit. Non potest **arbor bona malos fructus** fácere: neque **arbor mala bonos fructus** fácere. Omnis **arbor, quæ non facit fructum bonum,** excidétur et **in ignem** mittétur. Igitur **ex frúctibus eórum** cognoscétis **eos.** Non **omnis, qui dicit mihi, Dómine, Dómine,** intrábit **in regnum cœlórum:** sed **qui facit voluntátem Patris mei, qui in cœlis est, ipse intrábit in regnum cœlórum.**

R. *Laus tibi, Christe.*

S. Per Evangélica dicta, deleántur nostra delícta.

Gospel: Eighth Sunday after Pentecost

Sequéntia + sancti Evangélii secúndum Lucam (St. Luke 16:1-9)

R. *Glória tibi, Dómine.*

In illo témpore: Dixit **Iesus discipulis suis parábolam hanc:** **Homo quidam erat dives, qui habébat villicum:** et **hic diffamátus est apud illum,** quasi dissipásset **bona ipsius.** Et vocávit **illum** et ait **illi: Quid hoc audio de te?** redde **ratiónem villicatiónis tuæ:** iam enim non póteris villicáre. Ait autem **villicus intra se: Quid fáciam,** quia **dóminus meus aufert a me villicatióne?** fódere non váleo, mendicáre erubésco. Scio, **quid fáciam,** ut, cum **amótus fúero a villicatióne,** recípiant **me in domos suas.** Convocátis itaque **síngulis debitoribus dómni sui,** dicébat **primo: Quantum debes dómno meo?** At **ille dixit: Centum cados ólei.** Dixítque **illi: Accipe cautióne tuam:** et sede cito, scribe quinquagínta. Deínde **álii dixit: Tu vero quantum debes? Qui ait: Centum coros trítici.** Ait **illi: Accipe lítteras tuas,** et scribe octogínta. Et laudávit **dóminus villicum iniquitátis,** quia prudénter fecísset: quia **fílii huius sáeculi prudentióres fíliis lucis in generatióne sua** sunt. Et **ego vobis dico: fácite vobis amicos de mammóna iniquitátis:** ut, cum defecéritis, recípiant **vos in æténa tabernácula.**

R. *Laus tibi, Christe.*

S. Per Evangélica dicta, deleántur nostra delícta.

Gospel: Ninth Sunday after Pentecost

Sequéntia + sancti Evangélii secúndum Lucam (St. Luke 19:41-47)

R. *Glória tibi, Dómine.*

In illo témpore: Cum appropinquáret **Iesus Ierúsalem**, videns **civitátem**, flevit **super illam**, dicens: Quia si cognovísses et **tu**, et **quidem in hac die tua**, **quæ ad pacem tibi**, nunc autem abscondita sunt **ab óculis tuis**. Quia vénient **dies in te**: et circúmdabunt **te inimíci tui** vallo, et circúmdabunt **te**: et coangustábunt **te** úndique: et **ad terram** prostérnent **te**, et **fílios tuos**, **qui in te** sunt, et non relínquent **in te lápidem super lápidem**: eo quod non cognóveris **tempus visitatiónis tuæ**. Et ingrèssus **in templum**, cœpit eicere **vendéntes in illo** et **eméntes**, dicens **illis**: Scriptum est: Quia **domus mea domus oratiónis** est. **Vos** autem fecístis **illam speluncam latrónum**. Et erat docens **cotídie in templo**.

R. *Laus tibi, Christe.*

S. Per Evangélica dicta, deleántur nostra delícta.

Gospel: Tenth Sunday after Pentecost

Sequéntia + sancti Evangélii secúndum Lucam (St. Luke 18:9-14)

R. *Glória tibi, Dómine.*

In illo témpore: Dixit **Iesus ad quosdam**, **qui in se** confidébant tamquam iusti et aspernabántur **céteros**, **parábolam istam**: Duo **hómínes** ascendérunt **in templum**, ut orárent: **unus pharisæus**, et alter **publicánus**. **Pharisæus stans**, **hæc apud se** orábat: **Deus**, **grátias** ago **tibi**, quia non sum sicut **céteri hómínium**: **raptóres**, **iniústi**, **adúlteri**: velut étiam **hic publicánus**. Ieiúno bis **in sábbato**: **décimas** do **ómnium**, **quæ** possídeo. Et **publicánus** **a longe** stans nolébat nec **óculos ad cælum** leváre: sed percutiébat **pectus suum**, dicens: **Deus**, propítius esto **mihi peccatóri**. Dico **vobis**: descendit **hic iustificátus in domum suam** **ab illo**: quia **omnis qui se** exáltat, humiliábitur: et **qui se** humiliat, exaltábitur.

R. *Laus tibi, Christe.*

S. Per Evangélica dicta, deleántur nostra delícta.

Gospel: Eleventh Sunday after Pentecost

Sequéntia + sancti Evangélii secúndum (St. Mark 7:31-37)

R. *Glória tibi, Dómine.*

In illo témpore: Exiens **Iesus de fínibus Tyri**, venit **per Sidónem** **ad mare Galilææ**, **inter médios fines Decapóleos**. Et addúcent **ei surdum** et **mutum**, et deprecabántur **eum**, ut impónat **illi manum**. Et apprehéndens **eum de turba** seórsum, misit **dígitos suos in aurículas eius**: et éxspuens, tétigit **linguam eius**: et suspíciens **in cælum**, ingémuit, et ait **illi**: Ephphetha, quod est adaperíre. Et statim apértæ sunt **aurés** eius, et solútum est **vínculum linguæ eius**, et loquebátur recte. Et præcépit **illis**, ne **cui** dicerent.

Quanto autem **eis** præcipiēbat, tanto magis plus prædicābant: et eo amplius admirabāntur, dicētes:
Bene **omnia** fecit: et **surdos** fecit audire et **mutos** loqui.

R. Laus tibi, Christe.

S. Per Evangélica dicta, deleántur nostra delícta.

Gospel: Twelfth Sunday after Pentecost

Sequéntia + sancti Evangélii secúndum Lucam (St. Luke 10:23-37)

R. Glória tibi, Dómine.

In illo témpore: Dixit **Iesus discipulis suis:** Beáti **óculi**, **qui** vident **quæ vos** videtis. Dico enim **vobis**, quod multi **prophétæ** et **reges** voluérunt videre **quæ vos** videtis, et non vidérunt: et audire **quæ** audítis, et non audiérunt. Et ecce, **quidam legisperítus** surréxit, tentans **illum**, et dicens: **Magister**, **quid** faciēdo **vitam ætérnam** possidébo? At **ille** dixit **ad eum:** **In lege** **quid** scriptum est? quómo do legis? **Ille** respóndens, dixit: Díliges **Dóminum**, **Deum tuum**, **ex toto corde tuo**, et **ex tota ánima tua**, et **ex ómnibus víribus tuis**; et **ex omni mente tua**: et **próximum tuum** sicut **teípsum**. Dixítque **illi:** Recte respondísti: **hoc** fac, et vives. **Ille** autem volens iustificáre **seípsum**, dixit **ad Iesum:** Et **quis** est meus **próximus**? Suscípens autem **Iesus**, dixit: **Homo quidam** descendébat **ab Ierúsalemin Iéricho**, et incidit **in latrónes**, **qui** étiam despoliavérunt **eum**: et plagis impóstitis abiérunt, semivívo relícto. Accidit autem, ut **sacerdos quidam** descénderet eádem via: et viso illo præterívit. Simíliter et **levíta**, cum esset secus **locum** et vidéret **eum**, pertránsiit. **Samaritánus** autem **quidam iter** fáciens, venit secus **eum**: et videns **eum**, misericórdia motus est. Et apprópians, alligávit **vulnera eius**, infúndens **óleum** et **vinum**: et impónens **illum in iumentum suum**, duxit **in stábulum**, et **curam eius** egit. Et áltera die prótulit **duos denários** et dedit **stabulário**, et ait: **Curam illíus** habe: et **quodcúmque** supererogáveris, **ego** cum redíero, reddam **tibi**. **Quis horum trium** vidétur **tibi** **próximus** fuisse **illi**, **qui** incidit **in latrónes**? At ille dixit: **Qui** fecit **misericórdiam in illum**. Et ait **illi Iesus:** Vade, et **tu** fac simíliter.

R. Laus tibi, Christe.

S. Per Evangélica dicta, deleántur nostra delícta.

Gospel: Twelfth Sunday after Pentecost

Sequéntia + sancti Evangélii secúndum Lucam (St. Luke 10:23-37)

R. Glória tibi, Dómine.

In illo témpore: Dixit **Iesus** discipulis suis: Beáti **óculi**, qui vident **quæ vos** videtis. Dico enim **vobis**, quod multi **prophétæ** et **reges** voluérunt vidére **quæ vos** videtis, et non vidérunt: et audire **quæ** audítis, et non audiérunt. Et ecce, **quidam legisperítus** surréxit, tentans **illum**, et dicens: **Magister**, **quid** faciéndó **vitam ætérnam** possidébo? At **ille** dixit **ad eum**: **In lege** **quid** scriptum est? quómo legís? **Ille** respóndens, dixit: Dlíges **Dóminum**, **Deum** tuum, **ex toto corde tuo**, et **ex tota ánima tua**, et **ex ómnibus víribus tuis**; et **ex omni mente tua**: et **próximum** tuum sicut **teípsum**. Dixítque **illi**: Recte respóndísti: **hoc** fac, et vives. **Ille** autem volens iustificáre **seípsum**, dixit **ad Iesum**: Et **quis** est meus **próximus**? Suscípíens autem **Iesus**, dixit: **Homo** **quidam** descendébat **ab Ierúsalem in Iéricho**, et incidit **in latrónes**, qui étiam despóliavérunt **eum**: et plagis impóstitis abiérunt, semivívo relícto. Accidit autem, ut **sacerdos** **quidam** descénderet eádem **via**: et viso illo præterívit. Simíliter et **levíta**, cum esset secus **locum** et vidéret **eum**, pertránsiit. **Samaritánus** autem **quidam íter** fáciens, venit secus **eum**: et videns **eum**, misericórdia **motus** est. Et apprópians, alligávit **vulnera eius**, infúndens **óleum** et **vinum**: et impónens **illum in iuméntum suum**, duxit **in stábulum**, et **curam eius** egit. Et áltera die prótulit **duos denários** et dedit **stabulário**, et ait: **Curam illíus** habe: et **quodcúmque** supererogáveris, **ego** cum redíero, reddam **tibi**. **Quis horum trium** vidétur **tibi** **próximus** fuísse **illi**, qui incidit **in latrónes**? At ille dixit: **Qui** fecit **misericórdiam in illum**. Et ait **illi Iesus**: Vade, et **tu** fac simíliter.

R. Laus tibi, Christe.

S. Per Evangélica dicta, deleántur nostra delícta.

Gospel: 13th Sunday after Pentecost

Sequéntia + sancti Evangélii secúndum Lucam (St. Luke 17:11-19)

R. Glória tibi, Dómine.

In illo témpore: Dum iret **Iesus in Ierúsalem**, transíbat **per médiám Samaríam et Galilaéam**. Et cum ingrederétur **quoddam castéllum**, occurrérunt **ei** decem **viri** leprósi, qui stetérunt **a longe**; et levavérunt **vocem** dicéntes: **Iesu præcéptor**, miserére **nostri**. **Quos** ut vidit, dixit: Ite, osténdite **vos sacerdotibus**. Et **factum** est, dum irent, mundáti sunt. **Unus** autem **ex illis**, ut vidit quia mundátus est, regréssus est, **cum magna voce** magníficans **Deum**, et cecidit **in fáciem ante pedes eius**, **grátias** agens: et **hic** erat **Samaritánus**. Respóndens autem **Iesus**, dixit: Nonne decem mundáti sunt? et novem ubi sunt? Non est invéntus, qui redíret et daret **glóriam Deo**, nisi **hic alienígena**. Et ait **illi**: Surge, vade; quia **fides tua te salvum** fecit.

R. Laus tibi, Christe.

S. Per Evangélica dicta, deleántur nostra delícta.

Gospel: 14th Sunday after Pentecost

Sequéntia + sancti Evangélii secúndum Matthaéum (St. Matthew 6:24-33)

R. Glória tibi, Dómine.

In illo témpore: Dixit Iesus discipulis suis: Nemo potest duóbus dóminis servíre: aut enim unum ódio habébit, et álterum díliget: aut unum sustinébit, et álterum contémnet. Non potéstis Deo servíre et mammónæ. Ideo dico vobis, ne sollíciti sitis ánimæ vestræ, quid manducétis, neque córpori vestro, quid induámini. Nonne ánima plus est quam esca: et corpus plus quam vestiméntum? Respícite volatília cœli, quóniam non serunt neque metunt neque cóngregant in hórrea: et Pater vester cœléstis pascit illa. Nonne vos magis pluris estis illis? Quis autem vestrum cógitans potest adiícere ad statúram suam cúbitum unum? Et de vestiménto quid sollíciti estis? Consideráte lília agri, quómodo crescunt: non labórant neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fænum agri, quod hódie est et cras in clíbanum míttitur, Deus sic vestit: quanto magis vos módicæ fídei? Nolíte ergo sollíciti esse, dicéntes: Quid manducábimus aut quid bibémus aut quo operiémur? Hæc enim ómnia gentes inquirunt. Scit enim Pater vester, quia his ómnibus indigétis. Quærite ergo primum regnum Dei et iustítiam eius: et hæc ómnia adiiciéntur vobis.

R. Laus tibi, Christe.

S. Per Evangélica dicta, deleántur nostra delícta.

Gospel: 15th Sunday after Pentecost

Sequéntia + sancti Evangélii secúndum Lucam (St. Luke 7:11-16)

R. Glória tibi, Dómine.

In illo témpore: Ibat Iesus in civitátem, quæ vocátur Naim: et ibant cum eo discipuli eius et turba copiósá. Cum autem appropinquáret portæ civitátis, ecce, defúnctus efferebátur filius única matris suæ: et hæc vidua erat: et turba civitátis multa cum illa. Quam cum vidisset Dóminus, misericórdia motus super eam, dixit illi: Noli flere. Et accessit et tétigit lóculum. - Hi autem, qui portábant, steterunt. - Et ait: Adolésens, tibi dico, surge. Et resédit, qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia Prophéta magnus surrexit in nobis: et quia Deus visitávit plebem suam.

R. Laus tibi, Christe.

S. Per Evangélica dicta, deleántur nostra delícta.

Gospel: 16th Sunday after Pentecost

Sequéntia + sancti Evangélii secúndum Lucam (St. Luke 14:1-11)

R. Glória tibi, Dómine.

In illo témpore: Cum intráret **Iesus** in domum cuiúsdam principis pharisæórum sábbato manducáre panem, et ipsi observábant eum. Et ecce, homo quidam hydrópicus erat ante illum. Et respóndens Iesus dixit ad legisperítos et pharisæos, dicens: Si licet sábbato curáre? At illi tacuérunt. Ipse vero apprehénsus sanávit eum ac dimísit. Et respóndens ad illos, dixit: **Cuius vestrum ásinus aut bos in púteum** cadet, et non contínuo éxtrahet illum die sábbati? Et non póterant ad hæc respóndere illi. Dicebat autem et ad invitátos parábolam, inténdens, quómodo primos **accúbitus** elígerent, dicens ad illos: Cum invitátus fúeris ad núptias, non discúmbas in primo loco, ne forte honorátior te sit invitátus ab illo, et véniens is, **qui te** et illum vocávit, dicat tibi: Da huic locum: et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco: ut, cum vénerit, **qui te** invitávit, dicat tibi: Amíce, ascénde supérius. Tunc erit tibi glória coram simul discumbéntibus: quia **omnis, qui se exáltat, humiliábitur: et qui se humiliat, exaltábitur.**

R. Laus tibi, Christe.

S. Per Evangélica dicta, deleántur nostra delícta.

Gospel: 17th Sunday after Pentecost

Sequéntia + sancti Evangélii secúndum Matthæum (St. Matthew 22:34-46)

R. Glória tibi, Dómine.

In illo témpore: Accessérunt ad Iesum pharisæi: et interrogávit eum unus ex eis legis doctor, tentans eum: **Magíster, quod est mandátum magnum in lege?** Ait illi Iesus: Díliges **Dóminum, Deum tuum**, ex toto corde tuo et in tota ánima tua et in tota mente tua. **Hoc est máximum et primum mandátum.** **Secúndum** autem símile est huic: Díliges **próximum tuum** sicut **teípsum**. **In his duóbus mandátis univérse** lex pendet et **prophétæ**. Congregátis autem pharisæis, interrogávit eos Iesus, dicens: **Quid vobis vidétur de Christo? cuius fílius est?** Dicunt ei: **David**. Ait illis: Quómodo ergo **David in spíritu** vocat eum **Dóminum**, dicens: Dixit **Dóminus Dómino** meo, sede a dextris meis, donec ponam **inimícos tuos scabéllum pedum tuórum**? Si ergo **David** vocat eum **Dóminum**, quómodo **fílius eius** est? Et nemo póterat ei respóndere **verbum**: neque ausus fuit **quisquam ex illa die eum** ámplius interrogáre.

R. Laus tibi, Christe.

S. Per Evangélica dicta, deleántur nostra delícta.

Gospel: 18th Sunday after Pentecost

Sequéntia + sancti Evangélii secúndum Mattháeum (St. Matthew 9:1-8)

R. Glória tibi, Dómine.

In illo témpore: Ascéndens Iesus **in navículam**, transfretávit et venit **in civitátem suam**. Et ecce, offerébant **ei paralytícum** iacéntem **in lecto**. Et videns Iesus **fidem illórum**, dixit **paralytico**: Confíde, **fili**, remittúntur **tibi peccáta** tua. Et ecce, **quidam de scribis** dixerunt **intra se**: **Hic** blasphemámat. Et cum vidíset Iesus **cogitatiónes eórum**, dixit: Ut quid cogitátis **mala in córdibus vestris**? **Quid** est facilius dícere: Dimittúntur **tibi peccáta** tua; an dícere: Surge et ámbula? Ut autem sciátis, quia **Fílius hóminis** habet **potestátem in terra dimitténdi peccáta**, tunc ait **paralytico**: Surge, tolle **lectum tuum**, et vade **in domum tuam**. Et surréxit et ábiit **in domum suam**. Vidéntes autem **turbæ** timuérunt, et glorificavérunt **Deum**, **qui dedit potestátem talem homínibus**.

R. Laus tibi, Christe.

S. Per Evangélica dicta, deleántur nostra delícta.

Gospel: 19th Sunday after Pentecost

Sequéntia + sancti Evangélii secúndum Mattháeum (St. Matthew 22:1-14)

R. Glória tibi, Dómine.

In illo témpore: Loquebátur Iesus **príncipibus sacerdotum** et **pharisæis in parábolis**, dicens: Símile factum est **regnum cœlórum hómini regi**, **qui fecit nuptias filio suo**. Et misit **servos suos** vocáre **invitátos ad nuptias**, et nolébant veníre. Iterum misit **álios servos**, dicens: Dícite invitátis: Ecce, **prándium meum parávi**, **tauri mei** et **altília occísa** sunt, et **omnia paráta**: veníte **ad nuptias**. **Illi** autem neglexérunt: et abiérunt, **álius in villam suam**, **álius vero ad negotiatiónem suam**: **reliqui** vero tenuérunt **servos eius**, et contuméliis **afféctos** occidérunt. **Rex** autem cum audíset, **iratus** est: et, missis exercítibus suis, **pérdidit homicidas illos** et **civitátem illórum** succéndit. Tunc ait **servis suis**: **Nuptiæ** quidem parátæ sunt, sed, **qui invitáti** erant, non fuérunt digni. Ite ergo **ad exitus viárum** et, **quoscúmque invenéritis**, vocáte **ad nuptias**. Et egréssi **servi eius in vias**, congregavérunt **omnes, quos** invenérunt, **malos** et **bonos**: et implétæ sunt **nuptiæ discumbéntium**. Intrávit autem **rex**, ut vidéret **discumbéntes**, et vidit ibi **hóminem non vestítum** veste nuptiáli. Et ait **illi**: **Amíce**, quómodo huc intrásti non habens **vestem nuptiálem**? At **ille** obmútuít. Tunc dixit **rex ministris**: Ligátis **mánibus et pédibus eius**, míttite **eum in ténebras exterióres**: ibi erit **fletus** et **stridor déntium**. **Multi** enim sunt vocáti, **pauci** vero elécti.

R. Laus tibi, Christe.

S. Per Evangélica dicta, deleántur nostra delícta.

Gospel: 20th Sunday after Pentecost

Sequéntia + sancti Evangélii secúndum Ioannem (St. John 4:46-53)

R. Glória tibi, Dómine.

In illo témpore: Erat **quidam régulus, cuius fílius** infirmabátur **Caphárnaum**. **Hic** cum audísset, quia **Iesus** adveníret **a Iudæa in Galilæam**, ábiit **ad eum**, et rogábat **eum**, ut descénderet et sanáret **fílium eius**: incipiébat enim mori. Dixit ergo **Iesus ad eum**: Nisi **signa** et **prodígia** vidéritis, non créditis. Dicit **ad eum régulus: Dómine**, descénde, priúsqum moriátur **fílius** meus. Dicit **ei Iesus**: Vade, **fílius** tuus vivit. Crédidit **homo sermóni**, quem dixit **ei Iesus**, et ibat. Iam autem eo descendénte, **servi** occurrérunt **ei** et nuntiavérunt, dicéntes, quia **fílius eius** víveret. Interrogábat ergo **horam ab eis, in qua** mélius habúerit. Et dixerunt **ei**: Quia heri hora séptima relíquit **eum febris**. Cognóvit ergo **pater**, quia illa hora erat, **in qua** dixit **ei Iesus: Fílius** tuus vivit: et crédidit **ipse et domus eius** tota.

R. Laus tibi, Christe.

S. Per Evangélica dicta, deleántur nostra delícta.

Gospel: Feast of Our Lord Jesus Christ the King

Sequéntia + sancti Evangélii secúndum Ioannem (St. John 18:33-37)

R. Glória tibi, Dómine.

In illo témpore: Dixit **Pilátus ad Iesum: Tu es Rex Iudæórum?** Respóndit **Iesus**: A temetípso **hoc** dicis, an **álii** dixerunt **tibi de me?** Respóndit **Pilátus**: Numquid **ego** Iudæus sum? **Gens** tua et **pontífices** tradidérunt **te mihi: quid** fecísti? Respóndit **Iesus**: **Regnum** meum non est **de hoc mundo**. Si **ex hoc mundo** esset **regnum** meum, **minístri** mei útique decertárent, ut non tráderer Iudæis: nunc autem **regnum** meum non est hinc. Dixit ítaque **ei Pilátus**: Ergo **Rex** es **tu?** Respóndit **Iesus**: **Tu** dicis, quia **Rex** sum **ego**. **Ego in hoc** natus sum et **ad hoc** veni **in mundum**, ut **testimónium** perhíbeam **veritáti: omnis, qui est ex** **veritáte**, audit **vocem meam**.

R. Laus tibi, Christe.

S. Per Evangélica dicta, deleántur nostra delícta.

Gospel: 21st Sunday after Pentecost

Sequéntia + sancti Evangélii secúndum Mattháeum (St. Matthew 18:23-35)

R. Glória tibi, Dómine.

In illo témpore: Dixit Iesus discipulis suis **parábolam hanc:** Assimilátum est regnum cœlórum hómini regi, qui vóluit **ratiónem** pónere **cum servis suis**. Et cum cœpisset **ratiónem** pónere, oblátus est **ei unus**, qui debébat **ei** decem mília **talénta**. Cum autem non habéret, unde rédderet, iussit **eum dóminus eius** venúmdari et **uxórem eius** et **filios** et **ómnia**, quæ habébat, et reddi. Prócidens autem **servus ille**, orábat **eum**, dicens: **Patiéntiam** habe **in me**, et **ómnia** reddam **tibi**. Misértus autem **dóminus servi illius**, dimísit **eum** et **débitum** dimísit **ei**. Egréssus autem **servus ille**, invénit **unum de consérvis suis**, qui debébat **ei** centum **denários:** et tenens suffocábat **eum**, dicens: Redde, **quod** debes. Et prócidens **conservus eius**, rogábat **eum**, dicens: **Patiéntiam** habe **in me**, et **ómnia** reddam **tibi**. **Ille** autem nóluit: sed ábiit, et misit **eum in cárcerem**, donec rédderet **débitum**. Vidéntes autem **conservi eius**, quæ fiébant, contristáti sunt valde: et venérunt et narravérunt **dómino suo ómnia**, quæ facta fúerant. Tunc vocávit **illum dóminus suus:** et ait **illi: Serve** nequam, omne **débitum** dimísi **tibi**, quóniam rogásti **me:** nonne ergo opórtuit et **te** miseréri **conservi tui**, sicut et **ego tui** misértus sum? Et irátus **dóminus eius**, trádedit **eum tortóribus**, quoadúsque rédderet univérsum **débitum**. Sic et **Pater meus cœléstis** fáciat **vobis**, si non remisérítis **unusquisque fratri suo de córdibus vestris**.

R. Laus tibi, Christe.

S. Per Evangélica dicta, deleántur nostra delícta.

Gospel: 22nd Sunday after Pentecost

Sequéntia + sancti Evangélii secúndum Mattháeum (St. Matthew 22:15-21)

R. Glória tibi, Dómine.

In illo témpore: Abeúntes **pharisæi consílium** iniérunt, ut cáperent **Iesum in sermóne**. Et mittunt **ei discipulos suos cum Herodiánis**, dicéntes: **Magíster**, scimus, quia **verax** es et **viam Dei in veritáte** doces, et non est **tibi cura de aliquo:** non enim réspicis **persónam hóminum:** dic ergo **nobis**, quid **tibi** vidétur, licet **censum** dare **Cæsari**, an non? Cógnota autem **Iesus nequítia eórum**, ait: Quid **me** tentátis, **hypócritæ?** Osténdite **mihi numísma census**. At **illi** obtulérunt **ei denárium**. Et ait **illis Iesus:** **Cuius** est **imágo** hæc et **superscriptio?** Dicunt **ei: Cæsaris**. Tunc ait **illis:** Réddite ergo, **quæ sunt Cæsaris, Cæsari;** et, **quæ sunt Dei, Deo**.

R. Laus tibi, Christe.

S. Per Evangélica dicta, deleántur nostra delícta.

Gospel: 23rd Sunday after/Last Sunday after Pentecost

Sequéntia + sancti Evangélii secúndum Mattháeum (St. Matthew 9:18-26)

R. Glória tibi, Dómine.

In illo témpore: Loquente Iesu ad turbas, ecce, princeps unus accessit et adorabat eum, dicens: **Dómine, filia mea modo defúncta est: sed veni, impóne manum tuam super eam**, et vivet. Et surgens Iesus sequebátur eum et discipuli eius. Et ecce múlter, quæ sánguinis fluxum patiebátur duódecim annis, accessit retro et tétigit fímbriam vestiménti eius. Dicébat enim intra se: Si tetígero tantum vestiméntum eius, salva ero. At Iesus convérsus et videns eam, dixit: Confíde, **filia, fides tua te salvam fecit**. Et salva facta est mulier ex illa hora. Et cum venísset Iesus in domum príncipis, et vidísset tibícines et turbam tumultuántem, dicebat: Recédite: non est enim mórtua puélla, sed dormit. Et deridébant eum. Et cum eiécta esset turba, intrávit et tenuit manum eius. Et surréxit puélla. Et éxiit fama hæc in univérsam terram illam.

R. Laus tibi, Christe.

S. Per Evangélica dicta, deleántur nostra delícta.

(Gospel: 24th Sunday after Pentecost)

Sequéntia + sancti Evangélii secúndum Matthaéum (St. Matthew 24:15-35)

R. Glória tibi, Dómine.

In illo témpore: Dixit Iesus discipulis suis: Cum vidéritis **abominatióem desolatiónis**, quæ dicta est a Daniéle Prophéta, stantem in loco sancto: qui legit, intélligat: tunc qui in Iudæa sunt, fúgiant ad montes: et qui in tecto, non descéndat tóllere **aliquid de domo sua**: et qui in agro, non revertátur tóllere **tunicam suam**. Væ autem **prægnántibus et nutriéntibus** in illis diébus. Oráte autem, ut non fiat **fuga vestra in hieme vel sábbato**. Erit enim tunc **tribulatio magna**, qualis non fuit ab iníto mundi usque modo, neque fiet. Et nisi breviáti fuísset **dies illi**, non fferet salva omnis caro: sed **propter eléctos** breviabúntur **dies illi**. Tunc si **quis vobis** dixerit: Ecce, hic est **Christus**, aut illic: nolíte crédere. Surgent enim **pseudochrísti** et **pseudoprophætæ**, et dabunt **signa magna et prodígia**, ita ut in errorem inducántur - si fieri potest - étiam **elécti**. Ecce, prædíxi **vobis**. Si ergo dixerint vobis: Ecce, in desérto est, nolíte exíre: ecce, in penetrálibus, nolíte crédere. Sicut enim **fulgur** exit ab Oriénte et paret usque in Occidéntem: ita erit et **advéntus Fílii hóminis**. Ubiúmque fúerit **corpus**, illic congregabúntur et **áquilæ**. Statim autem **post tribulatióem diérum illórum** **sol** obscurábitur, et **luna** non dabit **lumen suum**, et **stellæ** cadent de cælo, et **virtútes cælórum** commovebúntur: et tunc parébit **signum Fílii hóminis in cælo**: et tunc plangent omnes **tribus terræ**: et vidébunt **Fílium hóminis veniéntem in núbibus cæli cum virtúte multa et maiestáte**. Et mittet **Angelos suos cum tuba et voce magna**: et congregábunt **eléctos eius a quátuor ventis, a summis cælórum** usque ad términos eórum. Ab árbore autem **fici** díscite **parábolam**: Cum iam **ramus eius tener**

fúerit et **fólia nata**, scitis, quia prope est **æstas**: ita et vos cum vidéritis **hæc ómnia**, scitóte, quia prope est **in iánuis**. Amen, dico **vobis**, quia non præteríbit **generátio hæc**, donec **ómnia hæc** fiant. **Cœlum et terra** transíbunt, **verba autem mea** non præteríbunt.

R. Laus tibi, Christe.

S. Per Evangélica dicta, deleántur nostra delícta.

Note: This is the first version of this document, which is based on the way the Liturgical Years happened to progress from the middle of 2022-23. I will be gradually updating this version with additional Gospels that are needed for other years as they come to my attention. May God bless you as you read these!